


लईका मन बर बाईबिल
प्रस्तुत करत हवे ।



चतुर राजा
सुलेमान



लिखे गए हवे। : Edward Hughes
उत्साह बढ़ै गए हवे। : Lazarus
चयन करे गए हवे। : Ruth Klassen
Alastair Paterson
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।




राजा दाउद भगवान के एकठी महान जन रहिस। ओखर शासन काल के बेरा, इसराइल, राजा साउल के राज के तुलना म दस गुना बड़खा हो गए रहिस। लेकिन अब ओहा शासन नई करए सकत



रहिस। दाउद डोकरा हो चुकए रहिस। ओहा थक गए रहिस। अउ बेमार रहत रहिस। ओखर भुईया म के जीनगी हा अपन आखरी अबस्था म रहिस।







दाउद कर कतेक बेटा म ले
एकठी, अदोनियाह हा इसराईल
के मइनसे मन ला बताईस कि अब
ओहा राजा बनही। ओखर नाव कर
मतलब "मोर भगवानऐंच हा मोर
परभु हे" अदोनियाह बने आदमी नई
रहिस। ये जानत रहे कि दाउद
बचाए म कमजोर हे, कपट अउ चोरी
ले सिंहासन ला चुराए के कोसिस
करिस। लेकिन भगवान के अपन
अलग। योजना रहिस।




दाउद के सुवारी बतसेबा ला पता
रहिस कि ओखर बेटा सुलेमानऐच
हा राजा होही । तेउन हा अदोनियाह
के योजना कर बारे म दाउद ल
बताईस । जबकि ओहा खीक अकन
ले बेमार रहिस तहु ले, दाउद हा
अपन अगुवा मन ला जोरिस अउ
सब्बो झन के आघु म सुलेमान ला
इसराईल के राजा बनाईस ।



सुलेमान ला अदोनियाह के संग म कुछु जादा परसानी नई होइस
काबरकि इसराईल के मइनसे मन दाउद के गोठ म बिसवास
करिन। दाउद हा ओमन ला बताईस कि सुलेमान ला भगवान हा
उंकर राजा होए बर चुने है। झटेच के दाउद हा मर गिस।





दाउद अपन मरण के आघु एकठी बने राजा होही अउ भगवान के आज्ञा पालन के बारे सुलेमान ल सिखाइस। दाउद अपन बेटा ला कहिस "तोला सब्बो कुछु म बाड़े बर भगवान के सिखाए रीति ले चलए बर होही," येहा बने सलाह रहिस। तब सुलेमान हा अपन दाउद के सिंघासन म बइठिस, अउ ओकर ल मजबुती ले स्थापित करिस।



एकठी रथिया, सुलेमान ह एकठी
सपना देखिस। ओकर सपना म,
भगवान ह दरसन देके
कहिस, "तोला जेन
चाहि मांग, मय
तोला का देवव?"
तय हा अपन
बर काए
माँगतव?



सुलेमान हा एकठी बने राजा होए बर बुद्धि
माँगिस। नउजवान राजा हा बिनती करीस
अउ ओकर उपर भगवान कर
किरपा होईस। सुलेमान
हर जेन माँगिस
ओला भगवान हर
दिस। अउ ओकर
संग भगवान हर
ओला अब्बड़ धन
अउ ससनमान
देहे कर घलाव
बचन दिस।




सुलेमान के ज्ञान कर खोज करए म मइनसे मन ला जादा बेरा नई
लागिस । एक दिन दु ठी महतारी मन एकठी लईका के संग, ओकर
आघु म आईन । एकठी अउरत हा कहिस “इ अउरत के बेटा




कर रथिया म देहांत होइस, अउ ओहा मोर जियत टुरा
ल उठा लिस अउ ओकर मरे लईका ला मोर
करा छोड़ दिस ।” पर एकठी अउ दुसर
अउरत हा कहिस, “नई! जेन हा जियत
हावय ओहा मोर बेटा हे, अउ मरे हावय
तेहर तोर हे ।” राजा हा कइसन
बता सकत रहिस कि लईका के
असली महतारी कउन आय ?



तब राजा हा कहिस, “एकठी तरवार लए आवा” तब ओहा राजा के आघु म एक तरवार लए आनिस । तुमन ला काए लागथे कि राजा हा इ तरवार के संग म काए करए के योजना बनात रहिस ?




राजा हा कहिस, "लईका ल दु टुकरा म बहाँट देव अउ एकर आधा
दुसर ला आधा करके दे देवा।" त फेर जीयत लईका कर महतारी
ह कहिस, "हे मोर परभु उ जीयत लईका ला झन मार इ जीयत
लईका ला ओला दे देवा।"



लेकिन अलगा अउरत हा कहिस
“उ लईका ला न मोर अउन ओकरेच
होन देव लेकिन ओला बाहँटा कर
देव (दु भाग म बहाँट देव)।”






तब राजा हा कहिस, “पहिली
अउरत ला जीयत लईका ला
दे देवा, ओ ही हा ओकर
महतारी हावयं,” अउ सब्बो
ईसराइल इ फइसला कर बारे
म सुनव, अउ ओमन राजा कर
अब्बड़ परसंसा करिन । तेउन
मन ये देखिन की ओही म
भगवान कर ग्यान रहिस ।



इसराइल के मइनसे मन करा भगवान कर
पुजा करए बर कोन्हो मंदिर नई रहिस ।
जब दाउद हा एकठी मंदिर कर निरमान
करए के योजना बनाईस, तब भगवान हा
ओकर ले कहए रहिस कि, "तोर बेटा मोर

नाव कस मंदिर के
निरमान करहि ।"




एखरे
बर सुलेमान
हा यरूसलेम म एकठी



अद्भुत अब्बड़ बड़खा मंदिर कर
निरमान सुरू करिस ।




इ मंदिर कर निरमान म सात
बछर लगए रहिस । लेकिन
उ महान दिन म मइनसे मन
सुलेमान ला सुनाए बर आईन
जब ओहा मंदिर ला यहोवा
बर नेछावर करए
बर रहिस ।



एकठी अद्भुत पराथना के पाछु
राजा अउ मइनसे मन खुसी
ले हजारों के तादाद म बलि
चढ़ाईन अउ दु हपता ले एकठी
महान जेवनार
करिन ।



ऐखर पाछु, भगवान सुलेमान ल
फेर ले देखाउल दिस अउ बचन
दिस कि जब तक ओमन यहोवा
के गोठ ला मानहि ओहा इसराईल
ला आसीस देहि ।




दुख के गोठ हे, न सुलेमान अउ न ही इसराईल के मइनसे
मन सबो दिन बर भगवान के गोठ ल मानीन। राजा हा
बड़ अकन महिला मन के संग म बिहाव कर दारिस लेकिन
भगवान हा नई चाहत रहिस कि ओहा तेउन मन ले
बिहाव करए। ओकर बदचलन सुबारी मन ओकर
हिरदय ला मुरति मन के पुजा करए बर तीर लिन,
जेउन परकार ओकर ददा दाउद कर
हिरदय भगवान बर वफादार रहिस,
अब सुलेमान कर हिरदय
हा बइसने नई
रहिस।




जब तक सुलेमान भगवान कर आग्या ला नई मानके बेरा ला नकसान करिस, ओकर अधिकारी मन म ले एकठी यरोबाम ला एकठी अजीब अनुभव मिलिस। एकठी भविष्यवानी करोइया हा यरोबाम ला बताईस की भगवान हा सुलेमान के राज ला दु भाग बाँटहि, बारह म ले दस ठी गोत्र मन के सासक यरोबाम होही।

यरोबाम झट के मिसर देस म भाग गिस। ओहा जानत



रहिस
कि जदि ओहा
उंहा रुकहि त
सुलेमान हा ओला
जान ले मार डारहि।






आखिर म सुलेमान कर
देहांत हो गईस। ओकर
बेटा रहुबियाम हा,
सुलेमान के तुलना म
मइनसे मन के उपर म
अउ घलो अब्बड़ कर
लगाईस। दस ठी गोत्र
मन ओकर बिरुद्ध म
बगावत करिन अउ उंकर
अगुवा होवए बर यरोबाम
ल चुनिन।



जइसन कि भगवान के भगत
मन करए रहिन वे इसनेहेच
सुलेमान के महान राज हा, दु
भाग म बँटा गईस। भगवान हा
आज्ञा नई मानए वाला मन ला
आसीसीत नई कर सकए।



चतुर राजा सुलेमान

इ कथा हर भगवान के बचन के द्वारा एक ठी बाईबिल


पाए जाथे ।

1 राजा 1-12

"आप मन कर बानी हर एला अंजोर देथे ।"

भजन संहिता 119 : 130





बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

